



# FAQ

## Dumondas e respostas davart la cumpetenzza da cultura

### Furmaziun supplementara englais per il stgalim primar

ediziun mars 2009

#### Tge cumpiglia la furmaziun supplementara „cumpetenzza da cultura“?

L'element da furmaziun supplementara cumpetenzza da cultura consista d'in segiurn sco Assistant Teacher en ina scola primara en il territori da lingua englais durant trais emnas.

#### Tge èn ils pensums d'in „Assistant Teacher“?

Sco Assistant Teacher sustegnais Vus la persuna d'instrucziun da classa e lavurais tant sco pussibel cun gruppas pitschnas d'uffants. La finamira è da vesair bler da la „vita en stanza da scola“ e da profitar dal fatg che l'englais è la lingua d'instrucziun. Vus retschavais uschè ina invista approfondada en il mintgadi da scola, en la lingua da scola ed en la cultura dal territori da lingua correspondent e pudais integrar quellas experientschas en Vossa instrucziun.

#### Stos/dastg jau organisar sez in segiurn sco Assistant Teacher?

Il piazzament en ina scola ospitanta vegn en mintga cas organisà da la Scola auta da pedagogia Turitg. Ils participants èn dentant responsabels sezs per organisar e pajar il viadi, l'alloschi e la dunsena.

#### Pos jau eleger sez il pajais per l'Assistant Teachership?

Uschè lunsch sco pussaivel vegn prendi resguard sin Voss giavischs pertutgant il piazzament. En mintga cas è da resguardar: In Assistant Teachership san ins mo absolver en pajais cun lingua uffiziala englais e la lingua d'instrucziun sto esser l'englais. La Scola auta da pedagogia Turitg ha contacts cun scolas da partenari en ils blers da quels pajais.

#### Pos jau trair a niz agens contacts che jau hai cun scolas ed alloschis?

Sche Vus avais tals contacts, sa drizzai per plaschair a la Scola auta da pedagogia Turitg. Lezza vegn a prender si contact cun la scola correspondent e sclerir, sche Vus pudais absolver la part da furmaziun supplementara en quella scola. Era en quels cas succeda il piazzament exclusivamain tras la Scola auta da pedagogia Turitg.

#### En tge mument è in Assistant Teachership pussaivel/betg pussaivel?

Assistant Teacherships èn mo pussaivels durant il temp da scola dal pajais ospitant correspondent. Damai che mintga pajais ha agens plans da vacanzas, èsi praticamain adina pussaivel d'absolver in Assistant Teachership. Da principi èsi uschè che las scolas sin la emisfera nord èn serradas il fanadur ed avust e las scolas sin la emisfera sid da mez december fin la fin da schaner. Resguardai il termin d'annunzia da 6 mais.

#### Èsi pussibel da vegnir piazzads en dus?

Gea, i dat scolas che recepeschan duas personas ensemen.

#### Co vegnan mes custs da viadi, alloschi e dunsena indemnissads?

Vus retschavais da Voss purtader da scola ina pauschala da spensas da CHF 3'100. Cun quella summa èn tuts custs indemnissads. Tut ils custs che surpassan quella summa, per exempel pervia d'in segiurn ordaifer l'Europa ni in alloschi pli char, sto la persuna d'instrucziun pajar sezza. Il purtader da scola po pretender enavos dal chantun la pauschala da spensas (CHF 3'100 per persuna d'instrucziun) suenter il segiurn.